

Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja
 fax: + 387 33 552 810
 selma@sogfbih.ba

• FINANSIJSKO SAVJETOVALIŠTE:

Dženita Kovačević, viši saradnik za finansijska pitanja
 fax: + 387 33 552 810
 dzenita@sogfbih.ba

Sadržaj biltena:

Informacija sa 54. sjednice Vlade FBiH	1
Održan seminar na temu "Ko je vlasnik moje nekretnine - od korisnika do vlasnika"	2
BiH će dobiti posebnu komisiju u Komitetu regiona EU	3
Mreža Sporazum plus dodijelila priznanja istaknutim općinama	3
Općina Čitluk se uključila u program upravljanja otpadom na razini BiH	4
Dogovoren nastavak projekta "Čist Vrbas"	4
Potpisan sporazum o implementaciji i sufinansiranju izgradnje raskrsnice kružnog toka	5
Općina Konjic traži partnera za projekat proizvodnje toplotne i električne energije	5
Počela izgradnja trećeg slanog jezera u Tuzli	6
Počinje izgradnja prvog ragbi stadiona u BiH	6
Saradnja općina Livno i Cazin na uvođenju trezorskog poslovanja	7
GIZ organizovao studentsku posjetu Općini Tešanj za predstavnike osam lokalnih samouprava BiH	7
Posjet načelnika Općine Centar Sarajevo Tuzli	8
Posjet delegacije Gornjeg Vakufa-Uskoplja bratskoj općini Turgutu	9
I. Alagić učestvovao u radu radionice "Održivi turizam i uključenost JLS" u Briselu	9
Delegacija grada Makarske u posjeti Bugojnu	10

Bilten Saveza općina i gradova Federacije Bosne i Hercegovine

INFORMACIJA SA 54. SJEDNICE VLADE FEDERACIJE BOSNE I HERCEGOVINE

UTVRĐEN PRIJEDLOG ZAKONA O POLJOPRIVREDNIM SAVJETODAVNIM SLUŽBAMA

MOSTAR, 13. juni/lipanj

Prijedlogom zakona o poljoprivrednim savjetodavnim službama koji je Vlada FBiH, na današnjoj sjednici u Mostaru, utvrdila u skladu sa primjedbama i sugestijama iz parlamentarne procedure, stvaraju se osnove za osnivanje ovih službi u Federaciji BiH na način kako je to urađeno u razvijenim zemljama Evrope.

Ove službe bi imale kvalifikovane i osposobljene savjetodavce, planski rad po jedinstvenim metodama i obavezu da sprovedu stalne procjene i učinke rada savjetodavaca. Istovremeno se ovim zakonom stvaraju osnove za formiranje privatnih savjetodavnih službi kao konkurencija javnim, što omogućuje poljoprivrednim proizvođačima da biraju kvalitetnije. U Prijedlog zakona ugrađene su primjedbe većine općina koje se odnose na način organizovanja općinskih poljoprivrednih savjetodavnih službi.

Jedan od razloga za njegovo donošenje je i stvaranje pravnih pretpostavki za kvalitetnije implementiranje projekata koje realiziraju međunarodne vladine i nevladine organizacije i praćenje rada savjetodavaca uključenih u projekte.

Ovaj zakonski projekat pripremila je Stručna komisija imenovana u Federalnom ministarstvu poljoprivrede u čiji rad su uključeni i stručnjaci iz naučno-obrazovnih institucija (Poljoprivredno-prehrambeni fakultet Sarajevo i Agronomski fakultet Mostar). O njegovim rješenjima još u formi Prednacrt izjasnila su se kantonalna ministarstva nadležna za poljoprivredu, kao i ostale stručne i naučne institucije iz oblasti poljoprivrede, čije su primjedbe, shodno njihovoj opravdanosti i svrsishodnosti, prihvaćene i ugrađene u danas utvrđeni Prijedlog zakona.



UTVRĐEN PRIJEDLOG ZAKONA O STVARNIM PRAVIMA

Vlada FBiH je danas utvrdila i u parlamentarnu proceduru uputila Prijedlog zakona o stvarnim pravima, vodeći računa o prijedlozima i primjedbama datim u okviru javne rasprave koja je, u skladu sa zaključcima Predstavničkog doma Parlamenta FBiH, obavljena o Nacrtu zakona.

Cilj ovog zakonskog projekta je da u cijelosti i na jednom mjestu uredi ova prava, prvenstveno pravo vlasništva, kao osnovno stvarno pravo, zatim ograničenje stvarnih prava, posjeda, kao i pitanje zakona koji bi prestali da važe u momentu stupanja na snagu ovog zakona.

Potreba za donošenjem novog zakona iz ove oblasti izražena je u činjenici suštinskih promjena, posebno u pogledu ukidanja kategorije društvenog vlasništva do kojih je došlo od 1998. godine, od kada je u Federaciji BiH u primjeni Zakon o vlasničko-pravnim odnosima. U kontekstu novonastalih odnosa, ovaj zakon poznaje samo jednu vrstu prava vlasništva, nezavisno od njegovog nosioca, što znači da su svi nosioci prava vlasništva (fizičke i pravne osobe, kao i država) potpuno izjednačeni u pogledu ovlaštenja koja nosilac prava vlasništva ima po općim pravilima građanskog prava.

Ovakvim rješenjem država gubi sve privilegije koje je imala po do sada važećim propisima, a posebno u vrijeme kada je društveno vlasništvo bilo jedna od osnovnih vrijednosti tadašnjeg sistema.

IMENOVANA RADNA GRUPA ZA IZRADU KODEKSA O ODNOSIMA IZMEĐU NIVOA VLASTI U FBiH

Vlada Federacije BiH je danas imenovala Radnu grupu za izradu Kodeksa o odnosima između nivoa vlasti u FBiH, na period od 90 dana, saopćio je Ured za odnose s javnošću Vlade FBiH.

U grupu su imenovani Enver Išerić, Ivana Boban, Hafeza Sabljaković, Senahid Šaković, Srđa Obradović, Boris Brajković, Slaviša Šućur, Mersad Beglerbegović, Kata Marijan Krljež, Miroslav Živanović i Predrag Šupljeglav (u ime Saveza općina i gradova Federacije Bosne i Hercegovine).

Unapređenje kulturnih veza Sarajeva i Šangaja	10
Općinu B. Krupa posjetila privredna delegacija Turske	11
Proširenje Engage projekta na Tešanj	11
Delegacija pobratimskog Grada Dayton u trodnevnoj radnoj posjeti Sarajevu	12
Banoviće posjetili ambasadori zemalja članica OIK u BiH	12
U toku aplikacije za OXFAM/IFAD projekat promocije OIE u BiH i Albaniji	13
Općina Tisno-HR prvak mini eura 2012	13
NAJAVA obilježavanja dana općina	14

KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.chc.bih-mne.org
www.srb-bih.org
www.chc-cro-bih.net
www.programmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

Na seminar se odazvao više od 40 uposlenika jedinica lokalne samouprave iz imovinsko-pravnih službi i pravobranilaštava, a također su bili prisutni i predstavnici drugih pravnih lica



Ilidža

ODRŽAN SEMINAR O TEMI "KO JE VLASNIK MOJE NEKRETNINE - OD KORISNIKA DO VLASNIKA - JUČER, DANAS, SUTRA"



Dana 13.06.2012. godine na Ilidži je u organizaciji Saveza općina i gradova Federacije Bosne i Hercegovine održan seminar na temu "Ko je vlasnik moje nekretnine - od korisnika do vlasnika - jučer, danas, sutra". Predavači na seminaru su bili prof. dr. Enes Hašić, profesor na Pravnom fakultetu Univerziteta u Bihacu koji je predavao na temu „Osvrt na uticaj Zakona o stvarnim pravima Federacije Bosne i Hercegovine na jedinice lokalne samouprave“ i Hazbo Ličina, direktor Uprave za imovinsko-pravne, geodetske poslove i katastar nekretnina Općine Zenica koji je obradio temu „Zemljovlasnički odnosi i savremena urbanizacija u praksi lokalne samouprave“.



Ovaj seminar spada u usluge edukacija koje Savez pored niza redovnih aktivnosti pruža svojim članicama, te će se i ubuduće nastaviti sa ovom praksom kroz angažman vanjskih eksperata za određene oblasti.

Na seminar se odazvao više od 40 uposlenika jedinica lokalne samouprave iz imovinsko-pravnih službi i pravobranilaštava, a također su bili prisutni i predstavnici drugih pravnih lica zainteresovani za problematiku imovinsko-pravnih odnosa, kao što su JP Željeznice FBiH, Kokaprodukt u stečaju, Gračanica, PORR Wien Austria, „Zenica-stan“ d.o.o. Zenica, „Stolarija“ d.d. Zenica.

Prof. dr. Enes Hašić je istakao da je krajnji cilj seminara upoznati ljude koji rade u imovinsko-pravnim službama sa problemima primjene vlasničkih odnosa u Federaciji Bosne i Hercegovine i dodao da je pitanje vlasničkih odnosa ključno pitanje koje već 17 godina, odnosno od potpisivanja Dejtonskog mirovnog sporazuma nije riješeno na kvalitetan način. Naveo je i da proces pretvorbe kroz privatizaciju stanova i nekretnina predstavlja problem, te da postoji mnogo neriješenih pitanja, a što blokira ulaganje i investicije u našu zemlju. Također je naglasio da će seminar pokušati dati odgovore na dio pitanja vezanih za transformaciju, te dati informacije o budućem Zakonu o stvarnim pravima u Federaciji Bosne i Hercegovine koji se trenutno nalazi u



parlamentarnoj proceduri.

Hazbo Ličina je istakao da će na seminaru pokušati predstaviti neposrednu i svakodnevnu problematiku sa kojom se susreću općinski službenici nadležni za rješavanje imovinsko-pravnih odnosa, naglasivši da je situacija u zemljišnim knjigama jako konfuzna, pa se općinski službenici najčešće susreću sa problemima nesaglasnosti stvarnog stanja sa stanjem u zemljišnim knjigama i da najveći problem u praksi predstavlja dvojnost, kada je u pitanju evidencija nekretnina.

BIH ĆE DOBITI POSEBNU KOMISIJU U KOMITETU REGIONA EU



Predstavništvo Kantona Sarajevo u Briselu prezentira institucije i potencijale Kantona Sarajevo u pravom svjetlu, izjavio je danas u Briselu predstavnik KS-a u gradu sjedištu institucija EU Dino Elezović.

U razgovoru s grupom bh. novinara Elezović je naglasio da je kao rezultat nedavnog uspješno organiziranog sastanka Komiteta regiona u Sarajevu, kao i stalnih uspješnih aktivnosti Predstavništva KS-a u Briselu, ponuđeno da se u okviru Komiteta regiona EU formira posebna komisija za BiH, što inače imaju samo zemlje kandidati za članstvo u EU.

Štaviše, ta komisija izdvojila bi se iz trenutne Komisije za zapadni Balkan Komiteta regiona, a u njoj ne bi bili samo politički predstavnici Komiteta, već bi polovina članova bila iz lokalnih i regionalnih zajednica u BiH.

Elezović navodi da Kanton Sarajevo, kao jedan od 340 evropskih regiona koje imaju predstavništvo u Briselu, ima velike šanse za dobijanje projekata finansiranih iz pretpripravnih fondova u oblastima energetike, zaštite okoliša i kulture. Kada je u pitanju kultura, posebna šansa je u proglašenju Sarajeva Evropskim kulturnim mostom 2014. godine. (Fena)



MREŽA SPORAZUM PLUS DODIJELILA PRIZNANJA ISTAKNUTIM OPĆINAMA

U organizaciji Mreže Sporazum plus, u Domu mladih Centar Skenderija 13. juna/lipnja upriličena je ceremonija dodjele priznanja za najbolje prakse u primjeni Sporazuma o saradnji vlade i organizacija civilnog društva, na lokalnom nivou u 2011. godini, te istaknutim pojedincima za izuzetan angažman na promociji i zagovaranju međusektorskog dijaloga i saradnje zasnovanih na osnovnim vrijednostima i principima iz Sporazuma i njegovoj praktičnoj primjeni u praksi.

Dobitnici priznanja po oblastima su:

- a) Finansiranje NVO iz općinskog budžeta: Prijedor i Jablanica
- b) Participacija/učešće građana u donošenju odluka: Bugojno i Kakanj
- c) Inovativni primjeri dobre saradnje općine i NVO: Zvornik i Bosanska Krupa

Proces nominacija bio je otvoren za sve bh. općine koje su u proteklom periodu usvojile „Sporazum o saradnji između Načelnika, Općinskog vijeća i udruženja i fondacija“ (Sporazum) kao i istaknute pojedince koji su prepoznati po svom angažmanu na promociji i zagovaranju međusektorskog dijaloga i dosljednoj primjeni navedenog Sporazuma.

Već dugi niz godina brojne NVO-e ulažu napore da međusobni odnosi između lokalnih organa vlasti i NVO (uključujući i druge nivoe) budu zasnovani na jasnim i efikasnim procedurama međusobne saradnje u rješavanju problema od javnog interesa. Kao alat u uspostavi transparentnije međusobne saradnje, NVO su pokrenule inicijativu usvajanja Sporazuma o saradnji u gotovo svim općinama u BiH još 2004 godine. Danas u BiH, skoro stotinu općina ima usvojen neki od dokumenata koji uspostavljaju institucionalnu saradnju između lokalnih organa vlasti i NVO.

Čak 80 općina su usvojile Sporazum u okviru inicijative Mreže Sporazum plus (2008) odnosno Koalicije raditi i uspjeti zajedno (2004). Dalji rad na dosljednoj primjeni i razvoju međusobnih odnosa ostaje jedna od prioritarnih aktivnosti Mreže Sporazum plus. Sporazum utvrđuje transparentan rad, uključenost građana i nevladinih organizacija u izradu i usvajanje najbitnijih odluka za lokalnu zajednicu, saradnju i partnerstvo na identifikovanju i rješavanju ključnih problema građana.

Bitno je istaći da BiH ima jedne od boljih praksi međusektorske saradnje na lokalnom nivou u regionu. Ostaje da se prakse sa lokalnog nivoa prenesu i na više nivoe vlasti, posebno entitetski i državni nivo, obzirom na potpuni izostanak bilo kakvih institucionalnih mehanizama saradnje na ovim nivoima.

Na kantonalnom nivou dobrim praksama se mogu pohvaliti Kanton Sarajevo kao i Bosansko-podrinjski kanton. U oba slučaja NVO sektor je bio pokretač inicijative uspostave institucionalnih mehanizama saradnje.

Dodjelom ovih priznanja članice Mreže Sporazum plus nastoje podržati općine u daljem razvijanju svojih odnosa sa NVO-a i građanima, te potaknuti one lokalne zajednice koje nemaju razvijene mehanizme saradnje da ih usvoje i primjenjuju.



Proces nominacija bio je otvoren za sve bh. općine koje su u proteklom periodu usvojile „Sporazum o saradnji između Načelnika, Općinskog vijeća i udruženja i fondacija“ (Sporazum) kao i istaknute pojedince



Načelnik Općine Kakanj, Mensur Jašarspahić Suri

OPĆINA ČITLUK SE UKLJUČILA U PROGRAM UPRAVLJANJA OTPADOM NA RAZINI BOSNE I HERCEGOVINE



Grb Općine Čitluk

ČITLUK, 06. juni/lipanj – Općina Čitluk jedna je od općina u BiH koje su se uključile u „Općinski program upravljanja otpadom u BiH“. Ovaj program financira Kraljevina Švedska putem Međunarodne Agencije za obnovu i razvoj (SIDA), pa su iz tog razloga jučer u radnom posjetu općini Čitluk boravili predstavnici Grontmij-a, vodeće inženjersko - konzultantske kompanije u Europi zadužene za predstavljanje ovog programa. Domaćini ovog radnog sastanka bili su Predrag Smoljan i Ivan Stojić ispred općine Čitluk, a sastanku su nazočili i direktor Javnog komunalnog poduzeća Broćanac Željko Dugandžić i Mirjana Krasić, također ispred Broćanca.



Čitluk-sastanak sa predstavnicima Grontmij-a

„U „Općinski program upravljanja otpadom u BiH“ koji financira švedska Vlada putem SIDA-e uključena je i općina Čitluk, kao jedna od sedam općina koje pripadaju „regiji Neretva“. Glavni cilj ovog projekta je da se poboljša stanje upravljanja otpadom na nivou općine i zato naš tim, koji je uposlen u Grontmij-u međunarodnoj organizaciji koja implementira ovaj projekt, vrši vrlo opširnu i detaljnu obuku kadrova unutar općine koji trebaju pripremiti planove upravljanja otpadom što je i zakonska obaveza svake općine“, kazala je Rabija Idrizbegović, stručnjak za upravljanje otpadom.

Jučerašnji radni sastanka bio je posvećen diskusiji vezanoj za prva poglavlja Plana upravljanja otpadom općine Čitluk za razdoblje od 2012. do 2017. godine s ciljem da se kroz diskusiju dođe do bitnih stvari i potrebnih dorada. Nakon čega je Mikael Boldt, međunarodni stručnjak za upravljanje otpadom iz Danske, predstavio svoje viđenje onoga što općina Čitluk može popraviti i kako može aplicirati za sredstva SIDA-e.

„Projekt ima investicijsku komponentu, a to je nabavka opreme koja se kroz plan upravljanja otpadom identificira kao neophodna kako bi se postigao cilj, a to je poboljšanje upravljanje otpadom u općini. Tu je uglavnom predviđena nabava potrebne opreme, tu u obzir dolaze nabavka kamiona, kontejnera i sličnog. Očekujemo da ćemo do kraja ove godine biti u stanju da već idemo u nabavu opreme, tj. da će planovi koji su u nekoj fazi nacrtati već biti završeni s jasnim projektima koji zahtijevaju donaciju SIDA-e“, kazala je o samim ciljevima projekta gospođa Rabija Idrizbegović.



DOGOVOREN NASTAVAK PROJEKTA „ČIST VRBAS“

JAJCE, 20. juni/lipanj – Rezidentni predstavnik UNDP-a i Rezidentni koordinator UN-a u BiH Nj.E. Yuri Afanasiev susreo se sa načelnikom Općine Jajce Nisvetom Hrnjićem s ciljem dogovora oko nastavka aktivnosti na projektu „Čist Vrbas“. Iznova je naglašena puna podrška UNDP-a inicijativi Općine Jajce u pravcu zaštite i iskorištavanja rijeke Vrbas i zajedničkog djelovanja svih općina na rijeci Vrbas. „Jajce i Banja Luka najveće su i najzainteresovanije općine i očekujemo da budete lideri, nosioci svih aktivnosti u ovom projektu“, naglasio je gospodin Afanasiev tokom razgovora s Načelnikom Hrnjićem.



UNDP već treću godinu podržava projekte zaštite rijeke Vrbas kroz četiri segmenta: promociju turističkih potencijala, pilot projekte, administrativno uvezivanje i podršku jedinicama lokalne samuprave i organizaciju eko regate. Načelnik Hrnjić zahvalio se na pruženoj podršci i naglasio da je jedan od bitnih elemenata uvezivanje jedinica lokalne samuprave u devet gradova na rijeci Vrbas, ali vrlo je bitna i promocija rijeke i njenih potencijala. Kroz ovogodišnje pilot projekte biće podržane aktivnosti na čišćenju divljih deponija, naglašeno je tokom razgovora. Sastanku u Jajcu prisustvovao je i Goran Vukmir rukovodilac Regionalne kancelarije UNDP-a u Banjaluci.

U projektu je devet općina, a kako je planirano biće uključene još tri. Aktivno učešće i podršku projektima zaštite i iskorištavanja potencijala rijeke Vrbas ove godine pružiće i Ambasada Japana.

KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfoceantar.ba
www.balkanfund.org
www.eurelsmmed.com
www.eacea.ec.europa.eu



Grb Općine Jajce



POTPISAN SPORAZUM O IMPLEMENTACIJI I SUFINANSIRANJU IZGRADNJE RASKRSNICE KRUŽNOG TOKA



GORAŽDE, 07. juni/lipanj – Sporazum o implementaciji i sufinansiranju projekata izgradnje raskrsnice kružnog toka na regionalnom putu R 448 na području općine Goražde potpisali su danas načelnik Općine Goražde mr. Muhamed Ramović i premijer BPK-a Emir Frašto. Potpisivanju pomenutog sporazuma prisustvovali su još pomoćnik načelnika Enver Adžem, ministar za privredu BPK-a Demir Imamović, direktorica Kantonalne direkcije za ceste Izeta Jahić, te predstavnici firme DESING & QC d.o.o. društvo za projektovanje, konsalting, nadzor i kontrolu kvaliteta Sarajevo koji su ukratko prisutnim predstavili projekat.

Vrijednost projekta izgradnje kružne raskrsnice je 700.000 KM, a realizovat će se u 2012. godini kroz tri faze. Prva faza je rješavanje imovinsko-pravnih poslova, druga izvođenje pripremnih radova i izrada donjeg stroja puta, dreniranje i rješavanje odvodnje i treća faza podrazumijeva izradu gornjeg stroja, potporno obložnih zidova, saobraćanje opreme i signalizacije. U finansiranju projekta, Vlada BPK-a će učestvovati sa sredstvima u iznosu od 292.480 KM, a Općina Goražde sa 397.520 KM.

"Projekat je prošao reviziju i sve ono što je potrebno. Posebno smo ponosni što je jedan od projekatana Goraždanin, koji trenutno radi u Sarajevu i ovo je prilika da nam predloži ideje o sličnim projektima na području Općine. Ovaj kružni tok će rasteretiti saobraćaj na magistralnom putu koji ide kroz centar grada, a jedan dio će se odvajati i nastaviti ka Župčićima, Čajniču, Cmoj Gori, odnosno Baćima i putu ka Foči. Jednostavno, rasteretit ćemo saobraćaj u samoj jezgri grada i mislim da će to olakšati kretanje svim građanima, posebno djeci", istaknuo je načelnik Ramović.

Podršku ovom projektu dala je i Vlada BPK.

"Mislim da je ovo značajan iskorak, složen, zahtjevan i kompleksan projekat koji će značajno doprinijeti, kako odvijanju saobraćaja, tako i razvoju ostale infrastrukture na području BPK-a i općine Goražde", naglasio je ministar za privredu u Vladi BPK Demir Imamović.



Grb Općine Goražde

*U finansiranju projekta,
Vlada BPK-a će
učestvovati sa sredstvima
u iznosu od 292.480 KM, a
Općina Goražde sa
397.520 KM.*

OPĆINA KONJIC TRAŽI PARTNERA ZA PROJEKAT PROIZVODNJE TOPLOTNE I ELEKTRIČNE ENERGIJE

Općina Konjic je objavila javni poziv za odabir strateškog partnera za projekat proizvodnje toplotne i električne energije. Strateški partner bi trebao sudjelovati u rekonstrukciji postojećeg toplotnog izvora i gradnji novih kapaciteta.


Iz Općine Konjic navode da bi išli i sa promjenom energenta. "Do sada je energent za toplane bio ugalj, a novim projektom bi prešli na komunalni otpad i biomasu". Projekt treba osigurati proizvodnju oko 30 MWh energije, tj. za zadovoljenje ukupnih potreba javnog i privatnog sektora.

Općina se na ovo odlučila jer je postojeća kotlovnica dotrajala te je potrebno izvršiti njenu potpunu rekonstrukciju. Cilj rekonstrukcije je pokrivanje grijanjem čitavog grada što sada nije slučaj.

Prema nekim grubim procjenama radilo bi se o investiciji od nekih 30 miliona KM. "Osim grijanja suština je da se ide i u proizvodnju električne energije i to bi bio onaj dio koji bi ekonomski imao daleko veće ekonomsku računicu za investitora", navode iz Općine.

Iz Općine navode da kogeneracijsko postrojenje treba zadovoljavati uvjete koji su propisani važećom regulativom iz oblasti emisija u zrak. Projektom treba biti osigurana održivost i financijska profitabilnost, uzimajući u obzir razvojne elemente i održivost projekta kroz sagledavanje svih specifičnosti općine Konjic.

Rok za prijave investitora je, do 16. srpnja/jula. Nakon što se izabere najpovoljniji model bit će sklopljen ugovor o strateškom partnerstvu.



Grb Općine Konjic





Grb Općine Tuzla

**KORISNI LINKOVI ZA PREDPRISTUPNE
FONDOVE EU:**

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

Ragbi se u Bosni i Hercegovini počeo igrati prije 40 godina, u periodu nakon rata pao je u zaborav, dok je u posljednje dvije godine doživio veliku ekspanziju. Došlo je do osnivanja novih ragbi klubova u Mostaru, Tešnju, Derventi, koji uz postojeće klubove u Zenici, Sarajevu, Vitezu, Zavidovićima, Tomislavgradu intenzivno rade na popularizaciji ovog sporta.

Izgled budućeg ragbi
stadiona**POČELA IZGRADNJA TREĆEG SLANOG JEZERA U TUZLI**

U toku su radovi na izgradnja trećeg slanog jezera u sklopu kompleksa Pannonica u Tuzli, koje će biti posebno atraktivno, jer će, osim već postojećih sadržaja, ljubiteljima kupanja biti na raspolaganju tobogani i skakaonice.

Za općinu Tuzla investicija u jačanje lokalne turističke ponude višestruko se isplati. Već se pokazalo da su slana jezera poput magneta privukla čitav niz investicionih ulaganja u prateće sadržaje, s nekoliko stotina uposlenih radnika.

"Kada grad učinite atraktivnim građanima i posjetiocima, onda ga činite atraktivnim i stranim investitorima. Slana jezera su privukla investiciju tvrtke Uni Bristol od 120 miliona eura! To je sigurno jedna od najvećih investicija u BiH. Mi idemo u kampanju 'Ljetujte u Tuzli'. Do sada je dva i po miliona karata ovdje prodano!", izjavio je nedavno za Al Jazeera načelnik Općine Tuzla Jasmin Imamović.

Panonska jezera prema procjenama u jeku sezone broji i do 12 hiljada kupaca dnevno. Ovo je bilo dovoljno općinskoj administraciji Tuzle da krenu u proširivanje kompleksa, kako bi boravak posjetilaca iz cijelog regiona učinili što ugodnijim.

"Pannonica je pozitivno poslovala u prošloj godini, platila je sve svoje obaveze prema dobavljačima, radnicima i državi. Sadašnji kapacitet od 10 do 15 hiljada gostiju izgradnjom trećeg bit će proširen. Treće jezero, za koje će biti uloženo 2 miliona KM, izgledat će potpuno drugačije, a za sve naše goste izgradit ćemo i novi parking u blizini novog jezera", kazao je za TIP direktor JP Pannonica Maid Porobić.

Podsjećamo, za izgradnju trećeg slanog jezera Općina Tuzla je uložila oko dva miliona KM koja su obezbijeđena putem kreditnog ugovora sa Razvojnog bankom Federacije Bosne i Hercegovine. (e-Kapija)

**POČINJE IZGRADNJA PRVOG RAGBI STADIONA U BIH**

Na Kamberovića polju u Zenici za mjesec dana trebala bi početi izgradnja prvog ragbi stadiona u Bosni i Hercegovini, potvrdio je za eKapiju Semir Mahić, potpredsjednik Ragbi saveza BiH.

Ideja koja se rodila prije nekoliko godina konkretizovana je prošle sedmice nakon sastanka sa upravom zeničkog ArcelorMittala koja je donirala 15 tona građevinskog materijala.

Istovremeno, Federalno ministarstvo kulture i sporta za ove namjene odobrilo je 15.000 KM, dok je općina Zenica izgradnju stadiona za ragbi uvrstila u strategiju razvoja, te će svake godine za projekat izdvajati 15.000 KM.

"Prikupili smo novac i materijal za radove koji bi trebali početi najdalje za mjesec dana. Izgradnju kompletnog stadiona podijelili smo na dvije faze. Prvi dio izgradnje obuhvatit će izgradnju kvalitetne drenaže te ograde oko terena, što će koštati oko 100.000 KM. Do sada smo prikupili polovinu tih sredstava", kazao je Mahić.

Druga faza radova uključivat će izgradnju tribina i adaptaciju baraka u neposrednoj blizini terena koje će biti pretvorene u sportske svlačionice. Ragbi stadion će se graditi na lokaciji Plandilo na Kamberovića polju, u blizini drugih sportskih sadržaja (dvorane, nogometnog stadiona, drugih terena), a zemljište za ovu namjenu dodijelila je općina Zenica.

Idejno rješenje za projekat uradila je firma a.g. Sims Zenica, koja bi trebala raditi i glavni projekat. Glavnog izvođača još nisu izabrali, ali u pregovorima su sa firmom ITC Zenica.

Ragbi se u Bosni i Hercegovini počeo igrati prije 40 godina, u periodu nakon rata pao je u zaborav, dok je u posljednje dvije godine doživio veliku ekspanziju. Došlo je do osnivanja novih ragbi klubova u Mostaru, Tešnju, Derventi, koji uz postojeće klubove u Zenici, Sarajevu, Vitezu, Zavidovićima, Tomislavgradu intenzivno rade na popularizaciji ovog sporta.

Izgradnja stadiona u Zenici dodatno će ohrabriti pozitivne rezultate ragbijaša u posljednjih nekoliko godina. "Mislim da će ovo korak od hiljadu milja. Ove godine naša se seniorska ekipa uspjela plasirati grupu više. Očekujemo da uz kvalitetne pripreme i nove sadržaje kroz narednu grupu jednostavno prošetamo", ističe Mahić.

Razvoju ragbija u BiH doprinijela je i konsolidacija redova u Upravnom odboru Ragbi saveza BiH, na čelu sa poslanikom u Parlamentu BiH Šemsudinom Mehmedovićem, te uglednim pojedincima iz privrednog života BiH. (e-Kapija)

Savez / Zajedno za uređenu i razvijenu lokalnu samoupravu



SARADNJA OPĆINA LIVNO I CAZIN NA UVOĐENJU TREZORSKOG POSLOVANJA

CAZIN, 20. juni/lipanj – Jučer je u radnoj posjeti općini Cazin boravila delegacija općine Livno, s ciljem razmjene iskustava koja se tiču trezorskog poslovanja, navodi se na web stranici Općine Cazin. Posjeta je ostvarena putem predstavnika GAP projekta koji su pružali tehničku podršku prilikom uvođenja ovakvog načina poslovanja.

Savez općina i gradova je zajedno sa Projektom upravne odgovornosti GAP izradio Vodič o trezoru koji je dostavljen svim članicama Saveza općina i gradova kako bi oni na najlakši mogući način počeli primjenjivati Zakon o trezoru. Kako je pojasnio načelnik Ogřešević, općina Cazin je prva na USK počela primjenjivati trezorko poslovanje, tačnije od 01.01.2012. godine. „Iznimno mi je drago da možemo biti primjer drugima u raznim sektorima našeg poslovanja i prenijeti svoja iskustva našim prijateljima u drugim općinama. Danas su s nama predstavnici općine Livno, kojima ćemo pružiti sve potrebne informacije i olakšati posao u ovoj oblasti“, dodao je načelnik Nermin Ogřešević.

Višnja Perković, viši samostalni referent za proračun u općini Livno, istaknula je slijedeće: "Prije svega se zahvaljujem ljudima iz Općine koji su nas ovako lijepo primili, a razlog naše posjete je uvođenje trezorskog poslovanja u općini Livno. S uvođenjem trezorskog poslovanja počeli smo u 2011. godini, ali nismo uspjeli u potpunosti to riješiti zbog cjelokupne procedure. Nakon toga smo u 2012. godini počeli sa informatičkim uvođenjem naših korisnika u knjigu. S obzirom da općina Cazin ima dosta sličnosti sa općinom Livno, a na prijedlog GAP koordinатора za općinu Livno, gospođe Merdže Handalić, mi smo došli ovdje po detaljnije informacije i iskustva iz prakse u vezi sa trezorskim poslovanjem."



Radni sastanak predstavnika
općina Cazin i Livno

GIZ ORGANIZOVAO STUDIJSKU POSJETU OPĆINI TEŠANJ ZA PREDSTAVNIKE OSAM LOKALNIH SAMOUPRAVA U RS I FBiH

SARAJEVO, 11. juni/lipanj – U okviru realizacije projekta Podrška lokalnom i regionalnom ekonomskom razvoju (LRWF) njemačka vladina organizacija GIZ je organizovala studijsku posjetu općini Tešanj za predstavnike osam lokalnih samouprava u Republici Srpskoj i Federaciji Bosne i Hercegovine, saopćio je GIZ. Projekat Podrška lokalnom i regionalnom ekonomskom razvoju (LRWF) se realizuje u ime Ministarstva za ekonomsku saradnju i razvoj Savezne Republike Njemačke (BMZ-a) u BiH od 2008. godine.



Prisutni gosti u Tešnju su imali prilike da vide u potpunosti reformisan i poslovno orijentisan pristup u lokalnom upravljanju.

Kako se navodi u saopćenju, načelnik općine Tešanj Fuad Šišić i njegovi najuži saradnici funkcionišu po principu dinamičnog rukovodstva uspješne kompanije, kakav nije karakterističan za ovaj dio Jugoistočne Evrope.

U cilju razvoja svoje općine, odlučili su se za podršku pet strateških područja, tzv REMEN: Reformu javne uprave, (ulaganje u) Ekonomiju i infrastrukturu, Mlade, Ekologiju i Turizam. Poseban akcenat su stavili na reformu lokalne administracije koja je obuhvatila: Tehnološke promjene u smislu promjene u alatima koji se koriste u radu javne uprave; Strukturalne promjene koje su podrazumijevale da organizaciju treba prilagoditi i kapacitirati novim zahtjevima, te promijeniti organizacionu kulturu, norme i vrijednosti; Promjene zaposlenih u smislu razvoja ljudskih resursa i promjena u vrijednostima, vještinama i stavovima svakog zaposlenog; Promjene usluga tako što su uspostavili nove procedure i rješenja i uveli decentralizovanu upravu u vidu isturenih odjeljenja u udaljenim dijelovima općine gdje se mogu pružiti sve usluge građanima i poslovnoj zajednici kao i u samom sjedištu općine.

Njihov moto da "poslovni ljudi ne smiju čekati" se ogleda u tome da predstavnici poslovne zajednice imaju prioritet u rješavanju zahtjeva, da je općinsko rukovodstvo u stalnoj interakciji sa privredom u vidu redovnih sastanaka i istraživanja njihovog zadovoljstva.

Sve općinske takse, dozvole i sve usluge općine su besplatne (simbolične prirode u vidu 1KM) ukoliko se otvaraju nova radna mjesta, obezbjeđuje se kompletna komunalna infrastruktura do placa investitora, te početni kapital, svi troškovi registracije i poreske obaveze snosi općina za prvu godinu poslovanja uz prilog kreativnog i rentabilnog biznis plana.



Grb Općine Tešanj

Njihov moto da "poslovni ljudi ne smiju čekati" se ogleda u tome da predstavnici poslovne zajednice imaju prioritet u rješavanju zahtjeva, da je općinsko rukovodstvo u stalnoj interakciji sa privredom u vidu redovnih sastanaka i istraživanja njihovog zadovoljstva.

giz

**KORISNI LINKOVI ZA PREDPRISTUPNE
FONDOVE EU:**

www.southeast-europe.net
www.adriaticpacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfoceantar.ba
www.balkanfund.org
www.eurelmed.com
www.eacea.ec.europa.eu

Najviše govora između načelnika je bilo o vraćanju nadležnosti jedinicama lokalne samouprave poput osnovnog i predškolskog obrazovanja, te o poboljšanju određenih zakonskih akata koji se odnose na rad jedinica lokalne samouprave, a za čije izmjene su nadležni viši nivoi vlasti.

Podrška mladima se ogleda uz dodjelu stipendije svima koji za nju apliciraju.

Ekološki čista životna sredina se stimulise pored otkupa PET ambalaže od strane operatera i plaćanjem naknade za svaki prikupljeni komad od strane lokalne uprave.

Što se tiče zaposlenih u općinskoj administraciji, uspostavljen je efikasan sistem edukacije, motivacije, vrednovanja i kontrole odgovornosti i kvalitete njihovog rada. Tako se svakog petka ujutro u 7:30 sati održavaju edukativni sastanci na kojima redovno prisustvuje i načelnik općine u vidu slušaoca, svaki kvalitetan prijedlog da se nešto unaprijedi u radu uprave ili života i rada u zajednici nagrađuje do 100 KM, uveden je sistem praćenja prisutnosti, efikasnosti i efektivnosti rada kroz identifikacione kartice i praćenje protoka i vremena rješavanja predmeta kod svakog zaposlenog.

U cilju transformisanja javne uprave u uslužni servis njenih građana i poslovne zajednice, implementirani su novi alati u radu po uzoru na primjere dobre prakse koje je prva na ovim prostorima uvela srbijanska opština Inđija.

Upravo uvođenje elektronske uprave (e-uprava), koji omogućuje ubranu komunikaciju između uprave i korisnika njenih usluga kroz olakšan, pojednostavljen i ubran proces pribavljanja neophodnih dokumenata je jedan od razloga zbog kojeg sve veći broj stranih investitora upravo Tešanj odabiraju za mjesto svoje investicije.

Tako su uvedeni sljedeći softveri i usluge koji su dostupni i elektronskim putem preko web stranice općine Tešanj (www.opcina-tesanj.ba): DocuNova - softver za elektronsko praćenje predmeta gdje stranka može preko web stanice u svakom trenutku da provjeri status svog predmeta, a i upravi omogućuje analizu uskih grla te efikasnosti zaposlenih u upravi; Sistem 72 – Call centar preko kojeg je omogućeno da svaki stanovnik općine Tešanj putem telefona, sms-a, web portala općine ili lično prijavi komunalni problem i dobije odgovor ili rješenje problema u roku od 72 sata; Ledis – softver za upravljanje lokalnim ekonomskim razvojem, koji omogućava uvid u sve statusni registre na jednom mjestu kao što su podaci o radnoj snazi, registar poslovnih subjekata i sl; FiNova - softver koji omogućuje javno praćenje realizacije budžeta, kompletne potrošnje općinske uprave kao i ulaganja u infrastrukturu i implementacije projekata; GIS – geografski informacioni sistem koji omogućava javni uvid u sve zemljišne knjige, podatke o infrastrukturi, njenom stanju i stepenu završenosti.

Svaki zahtjev stranke se u prijemnoj kancelariji skenira sa svom pratećom dokumentacijom.

Obrađivaču se predmet upućuje elektronski te umjesto zakonskog rješavanja, stranci se saopštava očekivani rok rješavanja.

GIZ se nada da se na učesnike ove studijske posjete prenio bar mali dio radnog elana, entuzijazma i dobrih ideja koje primjenjuje u svom radu općina Tešanj i da će ovaj primjer dobre prakse biti realizovan i u drugim sredinama kako bi pomogao njihovom boljem poslovnim i društvenom okruženju, ističe se u saopćenju.


POSJET NAČELNIKA OPĆINE CENTAR SARAJEVO TUZLI

Načelnik Općine Centar Sarajevo Dževad Bećirević je u petak, 8. juna/lipnja 2012. godine, boravio u Općini Tuzla, gdje ga je ugostio načelnik Jasmin Imamović, navodi se na web stranici Općine Centar Sarajevo.

Svrha posjete je razmjena dobre prakse iz djelokruga lokalne samouprave i daljem unapređenju saradnje koja je u obostranom interesu ove dvije općine. Najviše govora između načelnika je bilo o vraćanju nadležnosti jedinicama lokalne samouprave poput osnovnog i predškolskog obrazovanja, te o poboljšanju određenih zakonskih akata koji se odnose na rad jedinica lokalne samouprave, a za čije izmjene su nadležni viši nivoi vlasti. Jasmin Imamović se interesovao za Standard upravljanja kvalitetom ISO 9001-2008 i Standard upravljanja okolišem ISO 14001-2001, za šta je Općina Centar certificirana 2001. odnosno 2007. godine, kao prva jedinica lokalne samouprave u BiH i regionu. Također je bilo govora o razmjeni iskustava iz oblasti turizma, pitanja mladih, razvoju malih i srednjih preduzeća, te o novom Zakonu o matičnim knjigama FBiH, koji je stupio na snagu početkom maja/srpnja 2012. godine, kojim je propisano da su izvodi iz matičnih knjiga dokumenti trajnog karaktera. Tokom narednog perioda biće predloženi konkretni projekti koji će biti realizovani u međusobnoj saradnji između dvije općine.



Savez / Zajedno za uređenu i razvijenu lokalnu samoupravu



POSJET DELEGACIJE GORNJEG VAKUFA – USKOPLJA BRATSKOJ OPĆINI TURGULTU



Turgutlu

U cilju uspostave prijateljskih odnosa i suradnje na svim područjima, Općinsko vijeće općine Gornji Vakuf – Uskoplje je, na svojoj 23. sjednici održanoj 16.02.2012. godine, donijelo Odluku o bratimljenju općine Gornji Vakuf-Uskoplje sa općinom Turgutlu, Republika Turska. Općinsko vijeće Gornji Vakuf-Uskoplje dalo je suglasnost Općinskom načelniku Općine Gornji Vakuf-Uskoplje da u ime općine Gornji Vakuf-Uskoplje potpiše Sporazum o bratimljenju.

U prvi službeni posjet općini Turgutlu, 18. juna/lipnja otputovala je delegacija na čelu sa načelnikom općine gosp. Seadom Čauševićem. Pored načelnika u delegaciji su gosp. Marinko Krajina, predsjednik

Općinskog vijeća, Ismet Gekić, Predsjednik udruge gospodarstvenika općine Gornji Vakuf – Uskoplje, Nahid Šehić, direktor JKP „Radovina“, Omer Ljubunčić, savjetnik za financije općine Gornji Vakuf – Uskoplje i predsjednik Medžlisa islamske zajednice, Sedžad Milanović, ministar gospodarstva KSB i Esad Crnica, direktor Uprave za pitanja boraca i invalida KSB.

Općina Turgutlu, po popisu iz 2009. godine broji 140.753 stanovnika, a u samom gradu živi 115.930 stanovnika. Pored jako razvijene poljoprivredne proizvodnje, u prvom redu konzerviranja voća i povrća, razvijena je i industrija motornih vozila, zatim industrija keramike, a u zadnjih nekoliko godina u blizini se snažno razvija i rudarstvo (nikl i kobalt).



Grb Općine Gornji Vakuf-Uskoplje

SAVJETNIK NAČELNIKA ZA PRISTUP EU FONDovima I. ALAGIĆ UČESTVOVAO U RADU RADIONICE "ODRŽIVI TURIZAM I UKLJUČENOST JEDINICA LOKALNE SAMOUPRAVE" U BRISELU

TEŠANJ, 15. juni/lipanj – Savjetnik načelnika Općine Tešanj za pristup EU-fondovima Ismar Alagić, učestvovao je u radu radionice "Održivi turizam i uključenost jedinica lokalne samouprave" koja je održana u terminu od 13. do 15. juna/lipnja 2012. godine u Briselu, navodi se na web stranici Općine Tešanj.

Organizator studijskog putovanja bio je projekat TAIEX, a domaćin delegacijama iz država Zapadnog Balkana bile su institucije EU- Direktorata za proširenje Evropske komisije i Komitet regija.

Dr.Alagić je ovom prilikom održao prezentaciju potencijala općine Tešanj u području turizma sa težištem na mjere koje poduzima općinska uprava u privlačenju stranih investitora i stvaranju konkurentnog poslovnog okruženja za razvoj privrednih djelatnosti i turizma.

U razgovoru sa predsjedavajućim radionice Mathieu Leo Hoeberings, predstavljeni su projekti koje je općina Tešanj aplicirala prema pozivima EU, a od kojih veći dio tretira područje zaštite kulturno-historijskog naslijeđa i promociju turizma kao oblasti koja predstavlja jednu od strateških odrednica budućeg razvoja općine Tešanj.

Tokom boravka u Briselu Alagić se sastao sa Friederike Wuenschmann, zaduženom za BiH u Direktoratu za proširenje Evropske komisije.

Tokom razgovora sa F. Wuenschmann ukazano je na projekte iz područja prekogranične saradnje i razvoja komunalne infrastrukture koji su namijenjeni za BiH.

Prema riječima Alagića, u narednom periodu se očekuje još intenzivnija saradnja i komunikacija sa institucijama EU uključenim u programe za BiH, za koje interes iskazuje općina Tešanj.

Pozicija kulturne industrije postaje sve značajniji akter u brojnim EU programima zajednice kojima pristup ima BiH, a to je veliki izazov za jedinice lokalne zajednice kao što je općina Tešanj, navodi se na web stranici.



Dr.Alagić je ovom prilikom održao prezentaciju potencijala općine Tešanj u području turizma sa težištem na mjere koje poduzima općinska uprava u privlačenju stranih investitora i stvaranju konkurentnog poslovnog okruženja za razvoj privrednih djelatnosti i turizma.



Grb Općine Tešanj

DELEGACIJA GRADA MAKARSKE U POSJETU OPĆINI BUGOJNO

Delegacija Makarske u posjetu
Bugojnu

Delegacija Grada Makarske, u sastavu - Žarko Klapirić, vijećnik Gradskog vijeća i predsjednik Odbora za međugradsku suradnju, Lidija Vukadin Vranješ, stručna suradnica Ureda gradonačelnika te Hrvoje Škrabić, stručni voditelj JU Park prirode Biokovo, jučer 19. lipnja/juna posjetila je Općinu Bugojno. Naime, delegacija Bugojna nedavno je bila u posjetu kod gradonačelnika Marka Ožića Bebek, stoga je makarska delegacija u ovom uzvratnom posjetu razgovarala o zajedničkoj međugradskoj suradnji i projektima. Hasan Ajkunić, načelnik Općine Bugojno, ukratko je predstavio Općinu te istaknuo kako je njihova velika želja imati jedan grad u Republici Hrvatskoj kao prijateljski grad, a veze Makarske i Bugojna sežu još iz 1990.



„Po svemu gledano došli ste u grad gdje polako izgrađujemo i vraćamo ambijent gradske sredine, a danas radimo značajna tri infrastrukturna objekta i sve u funkciji da se može iznaći što više radnih mjesta“ - kazao je načelnik Općine Bugojno. U daljnjem razgovoru domaćini i gosti utvrdili su kako postoji niz poveznica dvaju gradova na kojima bi se mogla temeljiti buduća suradnja.

Žarko Klapirić, vijećnik Gradskog vijeća Grada Makarske te predsjednik Odbora za međugradsku suradnju Grada Makarske, istakao je da mu je veoma drago što je danas u Bugojnu, te se nada da ovaj posjet predstavlja početak suradnje grada Makarske i Bugojna. Inicijator ovog susreta Ljuban Vidović, predstavnik Općine Bugojno, organizirao je i posjet Župnom uredu i motelu Rostovo.

UNAPREĐENJE KULTURNIH VEZA IZMEĐU SARAJEVA I ŠANGAJA

SARAJEVO, 20. juni/lipanj – Gradonačelnik Sarajeva Alija Behmen sa zamjenicima Miroslavom Živanovićem i Igorom Kamočajem upriličio je danas prijem za višočlanu delegaciju iz Šangaja na čelu sa potpredsjednikom Asocijacije prijateljstva sa inostranstvom ovog kineskog grada, Wang Xiao Shu-om. Ovom prilikom gradonačelnik Behmen je zahvalio Biblioteci Grada Šangaja na doniranju 600 knjiga Nacionalnoj i univerzitetskoj biblioteci BiH sa namjerom da se kineska historija i kultura predstavi i našoj čitalačkoj publici, te pozdravio izložbu pod nazivom „Prozor Šangaja“, koja je danas upriličena u prostoru ove biblioteke i koja predstavlja razvoj i život građana ovog kineskog grada. Ovom prilikom gradonačelnik Behmen istakao je saradnju dugu 31 godinu sa kineskim pobratimskim gradom Tianjinom. „Grad Sarajevo je otvoren za intenziviranje saradnje sa Tianjinom, Šangajem i drugim kineskim gradovima na polju kulture, privrede i međuuniverzitetskih veza“, naglasio je Behmen.



Gradonačelnik Behmen ukratko je upoznao goste o projektima Grada Sarajeva iz oblasti kulture i arhitekture. Prema riječima gradonačelnika, od 6. do 9. septembra/rujna 2012., Sarajevo će ugostiti prvi Svjetski forum posvećen budućnosti urbane civilizacije, koji će okupiti neka od najznačajnijih svjetskih imena iz oblasti arhitekture, urbanizma i teritorijalnog uređenja.

Također je naglasio da će glavni bh. grad 2014. godine biti proglašen Mostom kultura. „Sarajevo nije samo grad gdje se desio događaj koji je bio povod Prvom svjetskom ratu, već i mjesto gdje se ljudi sastaju, zajedno žive, grad prijateljstva i gostoprimiteljivosti“, istakao je Behmen. U ime kineske delegacije Wang Xiao Shu je zahvalio na toploj dobrodošlici, te rekao da ovakvi susreti potvrđuju da su naše međusobne prijateljske veze i dalje čvrste i da se one produbljuju na obostranu korist i zadovoljstvo.

U cilju boljeg upoznavanja historije ova dva grada, potpredsjednik šangajske Asocijacije prijateljstva sa inostranstvom, izrazio je želju da se u Šangaju otvori izložba o Sarajevu i Bosni i Hercegovini, te pozvao gradonačelnika Sarajeva da sa svojim saradnicima tim povodom posjeti najveći grad u Kini. (www.sarajevo.ba)

KORISNI LINKOVI ZA PREDPRISTUPNE
FONDOVE EU:

www.southeast-europe.net
www.adriaticpacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfoentar.ba
www.balkanfund.org
www.eurelmed.com
www.eacea.ec.europa.eu

Ovom prilikom gradonačelnik Behmen istakao je saradnju dugu 31 godinu sa kineskim pobratimskim gradom Tianjinom. „Grad Sarajevo je otvoren za intenziviranje saradnje sa Tianjinom, Šangajem i drugim kineskim gradovima na polju kulture, privrede i međuuniverzitetskih veza“



Grb Grada Sarajeva

OPĆINU BOSANSKA KRUPA POSJETILA PRIVREDNA DELEGACIJA TURSKE

BOSANSKA KRUPA, 18. juni/lipanj – Privredna delegacija Turske na čelu sa pomoćnikom ministra poljoprivrede Turske Ali Babakana boravila je u posjeti Bosanskoj Krupi. Posjeta je upriličena na inicijativu Centra za investicije BIGMEV sa sjedištem u Istanbulu i Sarajevu. Delegaciju je činilo 14 najvećih proizvođača ribe u Turskoj koji su zainteresirani za ulaganja u ovu granu privrede u Bosni i Hercegovini, a sa njima je bio i direktor poljoprivrednog zavoda Unsko-sanskog kantona Smail Toromanović.

Centar za investicije BIGMEV koji pomaže investiranje u BiH i saradnju između BiH i Turske inicirao je dolazak u BiH kako bi privrednike upoznao s potencijalima koje nudi BiH kada je riječ o proizvodnji ribe. „Ovo su najjači ljudi u Turskoj koje ni mi nismo u stanju okupiti, već nam na tome pomaže Kabinet zamjenika premijera Erdogana, Ministarstvo poljoprivrede Republike Turske i Ali Babakan. Ljudi su pokazali interes, mislim da smo na dobrom putu“, rekao je predstavnik Centra za investicije BIGMEV Adis Alagić.

Centar BIGMEV prvu saradnju je ostvario sa Poljoprivrednim zavodom USK preko koga je i saznao za sve potencijale ovog kraja za proizvodnju ribe i riblje mladi.

„Ono što mogu da istaknem nakon obilaska i razgovora s načelnikom Općine Bosanska Krupa, obilaska lokaliteta Krušnice, je da su investitori izuzetno zadovoljni viđenim i da mi na prostoru općine Bosanska Krupa vrlo brzo očekujemo određene ponude i projektne prijedloge za buduće investicije pokretanja mrjestilišta od eko riba Krušnice. Ono što smo također u neposrednim razgovorima s investitorima zaključili jeste da imaju želju za gradnju pogona za uzgoj i preradu ribe“, istakao je direktor Poljoprivrednog zavoda USK Smail Toromanović.

O namjerama grupe turskih poduzetnika govorila je i Durdu Aktag, predsjednica Udruženja ribara Turske, čiji je broj članova veći od broja stanovnika Federacije BiH.

Ona je najavila dolazak stručnjaka i izradu studija i gotovo izvjesno ulaganje u ovu granu privrede, te otvaranje novih radnih mjesta.


„Pored toga što naše zemlje imaju jake historijske, kulturne i prijateljske veze, investitori su se ozbiljno počeli zanimati i za prilike, poslovne saradnje u BiH. Ova posjeta je izuzetno bitna za nas i zahvaljujem se svima s kojima smo imali priliku razgovarati“, kazala je D. Aktag.

Nakon protokolarnog sastanka u Kabinetu općinskog načelnika, glavni sastanak održan je u novoj ekološkoj lađi na elektromotorni pogon gdje su privrednici iz Turske mogli saznati sve što ih interesuje.

Rezultatima posjete zadovoljan je i načelnik Općine Bosanska Krupa Armin Halitović.

„Izuzetno sam zadovoljan. Do same realizacije projekta, ukoliko do nje dođe, proći će vremena u kojem će se morati i odraditi određene pripreme, ali mi smo spremni na sve. Prihvatamo sve investitore pa tako i iz Republike Turske, a sve s ciljem stvaranja boljeg, kvalitetnijeg poslovnog ambijenta. Mi imamo resurse, investitori novac koji je potreban za stvaranje kapaciteta, nadam se da ćemo naći zajednički jezik, te krenuti u ovu priču“, naglasio je načelnik Halitović.

Delegacija iz Turske najavila je skore pojedinačne posjete Bosanskoj Krupi i rijeci Krušnici, a prema njihovim riječima prvo što će uraditi po povratku u Tursku biće preporuka njihovim najvećim turističkim agencijama da posjete ovaj grad i rijeku Krušnicu i već za slijedeću sezonu pripreme turističke angažmane koji će podrazumijevati najmanje sedmodnevne boravke u neđirnutoj prirodi uz mogućnost lova, ribolova, brdskog biciklizma i planinarenja.



Grb Općine Bosanska Krupa



Turska delegacija privrednika u posjeti B.Krupi



Turska delegacija privrednika u posjeti B.Krupi

PROŠIRENJE ENGAGE PROJEKTA NA TEŠANJ

TEŠANJ, 20. juni/lipanj – Delegacija općine Ivanić-Grad iz Republike Hrvatske u sastavu Ilija Krištić, zamjenik gradonačelnika i Vlatka Berlan Vlahek, pročelnica odjela za razvoj grada su posjetili Općinu Tešanj. Goste je primio Doc.dr. Ismar Alagić, savjetnik općinskog načelnika za pristup EU-fondovima. Na sastanku je razgovarano o elementima buduće saradnje na zajedničkim projektima koji bi se kandidovali prema EU fondovima. Povod za organizaciju sastanka je bila preporuka koja je stigla iz njemačkog grada Heidelberg da se općina Tešanj uključi u projekat ENGAGE. Kroz projekat ENGAGE se potiče uvođenje energetske efikasnosti u određenom broju europskih gradova. Nakon posjete koju je imao Alagić i razgovora sa predstavnicima gradske uprave Heidelberg, isti su obavijestili predstavnike općine Ivanić-Grad kao učesnika ENGAGE projekta da razmotri mogućnost uvođenja novih gradova iz BiH u predmetni projekat. U tom cilju Alagić je osim predstavnika općine Tešanj na predmetni sastanak pozvao predstavnike općina Laktaši i Teslić. Nakon održane prezentacije gostima su pokazani primjeri dobre prakse u općini Tešanj realizovani kroz projekte koje su podržale inostrane institucije i fondovi u proteklom periodu. Dogovoreno je da se u predstojećem periodu razmotre područja interesantna za saradnju na zajedničkim projektima između općine Tešanj i Ivanić-Grada, navodi se na web stranici Općine Tešanj.



Tešanj, delegacija Općine Ivanić-Grad sa domaćinima

DELEGACIJA POBRATIMSKOG GRADA DAYTONA U TRODNEVNOJ RADNOJ POSJETI GRADU SARAJEVU



Radni sastanak sa delegacijom
Grada Dayton

Prema protokolu radne posjete delegacije Grada Dayton, u naredna dva dana planirani su radni susreti predstavnika dvaju gradova o temama: privredna saradnja, urbano planiranje i upravljanje vodnim resursima i univerzitetska saradnja.

KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticpacbc.org
www.interregadriatico.it
www.europa.ba
www.chib-eu.org
www.cbc-bih-mne.org
www.srb-bih.org
www.cbc-cro-bih.net
www.programmmed.eu
www.tacso.org
www.euroinfocenter.ba
www.balkanfund.org
www.eurelmed.com
www.eacea.ec.europa.eu



Ambasadori zemalja članica
OIK u posjeti Banovićima

SARAJEVO, 21. juni/lipanj – Gradonačelnik Sarajeva Alija Behmen sa zamjenicima Miroslavom Živanovićem i Igorom Kamočajićem, te sa zamjenicom predsjedavajućeg Gradskog vijeća Grada Sarajeva Tatjanom Ljujić – Mijatović, predsjednicom Komisije za međunarodnu saradnju u Gradskom vijeću Lejlom Somun – Krupalića i vijećnikom Seadom Srom, održao je danas u Gradskoj upravi radni sastanak s delegacijom pobratimskog Grada Dayton, koja je jučer stigla u trodnevnu radnu posjetu Gradu Sarajevu.

Delegaciju predvodi Matt Joseph, vijećnik u Gradskom vijeću Dayton, a ostali članovi delegacije su: Brian Inderrieden, upravitelj Odjela gradskog planiranja, Michele Simmons, upravitelj Programa zaštite izvorišta vode grada Dayton, prof.dr Hunt Brown, Wright State University, Cordell Williams, zakonodavni pomoćnik za Gradsko vijeće, te Kelly Geers, predsjednica Daytonskog odbora pobratimskih gradova sa članovima ovog Odbora Ameliom Robinson, novinarkom „Dayton Daily Newsa“, Traudelom Eslaie i Davidom Klassom.

„Posjeta naših prijatelja iz pobratimskog Grada Dayton ima veoma radni karakter. Kao domaćini potrudili smo se da im osiguramo respektabilne sagovornike o temama koje se tiču intenziviranja buduće saradnje naših dvaju gradova. Utkaje se novi pristup bilateralnih odnosa sa našim pobratimskim i partnerskim gradovima u svijetu“, naglasio je prilikom izjava za medije gradonačelnik Behmen.

Prema protokolu radne posjete delegacije Grada Dayton, u naredna dva dana planirani su radni susreti predstavnika dvaju gradova o temama: privredna saradnja, urbano planiranje i upravljanje vodnim resursima i univerzitetska saradnja.

Prenijevši pozdrave gradonačelnika Dayton i svih vijećnika u Gradskom vijeću ovog Grada, vođa delegacije Matt Joseph, vijećnik u Gradskom vijeću Dayton je istaknuo kako su „historijski naša dva grada zauvijek povezana, a na nama je da izgradimo kvalitetne odnose i saradnju od kojih će najveće koristi imati upravo građani Sarajeva i Dayton“.

Zamjenica predsjedavajućeg Gradskog vijeća Grada Sarajeva i ratni član Predsjedništva Republike Bosne i Hercegovine Tatjana Ljujić – Mijatović naglasila je kako „za nas koji smo rat proveli ovdje riječ Dayton znači mir i zbog toga se želim iskoristiti i ovom prilikom da u ime naše države, Grada i građana još jednom kažem veliko hvala Daytonu i Sjedinjenim Američkim Državama“.

Prema protokolu delegacija Grada Dayton posjetit će: Agenciju SERDA, Privrednu komoru Kantona Sarajeva, BBI banku kao organizatora Sarajevo Business Forum, KJKP „Vodovod i kanalizacije“ i njegove odjele upravljanja vodnim resursima, Univerzitet u Sarajevu, SSST – Sarajevo School of Science and Tehnology, te Internacionalni univerzitet u Sarajevu. (www.sarajevo.ba)

BANOVIĆE POSJETILI AMBASADORI ZEMALJA ČLANICA OIK U BIH

BANOVIĆI, 06. juni/lipanj – Općinski načelnik Bego Birparić sa saradnicima, danas je upriličio prijem za delegaciju ambasadora zemalja članica Organizacije islamske konferencije u Bosni i Hercegovini (Egipat, Saudijska Arabija, Katar, Malezija, Indonezija, Libija). Posjeta je realizovana u sklopu posjete Tuzlanskom kantonu, a delegaciju je predvodio Zijad Jagodić, član Parlamenta BiH.

Prilikom susreta, Općinski načelnik se zahvalio ambasadorima islamskih zemalja na interesovanju za cijelu Bosnu i Hercegovinu, Tuzlanski kanton i općinu Banovići, te naglasio da je posjeta od velike važnosti za općinu Banovići i njen cjelokupni razvoj. Ovaj sastanak bio je i prilika da se ambasadori upoznaju sa trenutnom situacijom u općini Banovići, razvojnim projektima i dosada postignutim dugoročnim ciljevima. Takođe je sastanak iskorišten za prezentaciju strateških ciljeva općine Banovići, te je naglašeno da će se raditi na ostavirivanju uslova za zajedničku saradnju na obostrano zadovoljstvo.

Ambasadori su istakli da je ovo njihova prva posjeta Tuzlanskom kantonu i Banovićima, te su naglasili da mogu pomoći u poboljšanju pružanja usluga i servisa građanima, kao i da su upućeni na sva tri konstitutivna naroda, te da će ambasade islamskih zemalja pomoći u tom dijelu koliko budu mogle. Poseban naglasak prilikom sastanka stavljen je razvoj ekonomije i komercijalne kulture svih dijelova Bosne i Hercegovine.

Ovom prilikom ambasadori su posjetili i Islamski centar Banovići koji se nalazi u fazi izgradnje.

Savez / Zajedno za uređenu i razvijenu lokalnu samoupravu

U TOKU APLIKACIJE ZA OXFAM/IFAD PROJEKAT PROMOCIJE Oie U BOSNI I HERCEGOVINI I ALBANIJI

Oxfam Italija, članica Oxfamove međunarodne konfederacije, koalicije nevladinih organizacija specijalizirana u humanitarnoj pomoći i razvojnim projektima, trenutno implementira projekat "Tehnologije obnovljivih izvora energije u BiH i Albaniji".

Projekat finansira IFAD, UN-ov fond za razvoj poljoprivrede.


Cilj projekta je poboljšanje uslova života u ruralnim zajednicama u dvije države povećanjem korištenja obnovljivih izvora energije odnosno poboljšanjem energetske efikasnosti.



Za partnere u planiranim aktivnostima odbrano je sedam općina u kojima je održana prezentacija planiranih aktivnosti za potencijalne korisnike ovog projekta na nivou turističkih subjekata, poljoprivrednih imanja, malih i srednjih preduzeća, udruga i zajednice.

Nakon održanih prezentacija, aplikacije za potencijalne korisnike projekta mogu se dobiti u općinama Trnovo, Srebrenica, Bratunac, Konjic, Foča, Ustikolina i Goražde.

Rok za predaju aplikacija je 29. juni/lipanj 2012. godine do 15:00 sati.



OPĆINA TISNO-HR PRVAK MINI EURA 2012

Malonogometna reprezentacija Općine Tisno predstavljala je Hrvatsku na turniru koji se održao u Poljskoj u organizaciji općine Strzyzow od 08.-11.06. Svih 16 država koje nastupaju na Evropskom prvenstvu paralelno sa otvaranjem EURO 2012 odigrali su turnir u malom nogometu. Igralo se u 4 skupine na nogometnim terenima veličine 50 x 20 m na travnatoj podlozi. Boje Hrvatske, odnosno Općine Tisno branili su: Vjeko Klarin – kapetan momčadi, Sebastijan Lapov Mijatov, Domagoj Barić, Ivan Fantov, Stipe Klarin. Marko Turica, Mario Orlović i Valerio Bračanov. Logistiku je odrađivao Miljenko Meštrović.




U pet utakmica hrvatski tim je postigao 30 golova i zasluženno osvojio naslov prvaka Mini Eura. Najboljim igračem proglašen je Stipe Klarin, koji je ujedno dao i najviše golova. Hrvatski golman, uz asistenciju obrane primio je najmanje golova na prvenstvu, ali je priznanje za naj golmana pripalo talijanskom golmanu, općine Bagno Cavallo, zbog atraktivnih obrana osobito u finalnoj utakmici.

Općina Strzyzow je članica Zajednice ruralnih općina Evrope s kojom općina Tisno ima prijateljske odnose i uz čiju podršku je Općina Tisno postala kandidata za ulazak u Zajednicu.



NAJAVA OBILJEŽAVANJA DANA OPĆINA

- **08. juli/srpanj - Dan Općine Tomislavgrad.** Naime, tog datuma 1924. godine položen je kamen temeljac za izgradnju Spomen-bazilike u čast 1000. obljetnice krunidbe prvog hrvatskoga kralja Tomislava. Od 1996. godine ovaj dan se obilježava kao Dan Općine Tomislavgrad.
- **20. juli/srpanj - Dan Općine Stolac** koji je određen povodom blagdana sv. Ilije, zaštinika grada Stoca.



Tomislavgrad



Stolac

Savez općina i gradova Federacije
Bosne i Hercegovine

Musala 5/1
71 000 Sarajevo

Phone: ++387 33 216 502, 209 024, 209 120

Fax: ++387 33 552 810, 552 811

E-mail: dino@sogfbih.ba

Nađite nas na facebook-u



POSJETITE NAS NA WEB-U

WWW.SOGFBIH.BA

NAJAVA OBILJEŽAVANJA DANA OPĆINA

- **20. juli/srpanj - Dan Općine Kiseljak.** Ovaj datum ima i historijski značaj s obzirom da se u Povelji Bele IV iz 1244. godine spominje da je ovaj kralj 20.07.1244. godine darivao Crkvu sv. Mihovila u Borini. Budući da je to najstariji dokument u kojem se spominje mjesto koje je u užem središtu Kiseljaka, taj dan se obilježava kao Dan Općine Kiseljak.
- **26. juli/srpanj - Dan Općine Domaljevac-Šamac.** Obilježava se kao Dan općine zato što je 26. 07. 1996. godine na svečanoj sjednici Općinskog Vijeća Bosanski Šamac donijeta Odluka o utemeljenju nove općine pod nazivom Općina Domaljevac-Šamac.
- **30. juli/srpanj - Dan Općine Glamoč.** Tog datuma 1941. godine prvi put je oslobođena teritorija Glamoča.
- **31. juli/srpanj Dan Općine Trnovo** i dan oslobođenja Trnova 1992.



Domaljevac - Šamac



Kiseljak



Glamoč



Trnovo

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu prosljedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.